

2517/13
09-08-2019
SEHVEDIN VIŠĆA



JAVNO PREDUZEĆE ŽELJEZNICE FEDERACIJE BOSNE I HERCEGOVINE
društvo sa ograničenom odgovornošću SARAJEVO
71 000 Sarajevo, Musala 2

Reg.br. 065-0-Reg-06-000614 od 28.12.2006.godine kod Općinskog suda u Sarajevu; Transakcijski računi: KM 3389002207823509, DEVIZNI-IBAN: BA39+3389002207823509 SWIFT: UNCRBA 22 kod UNICREDIT BANK d.d. Mostar; KM 1549212001826340, DEVIZNI-IBAN:BA39+50101200-875115 SWIFT: UPBKBA 22 kod INTESA SAN PAOLO BANKA d.d. BiH Sarajevo; KM 5659013500000511, DEVIZNI-IBAN: BA39+5651200000061888, SWIFT:BATOBA 22, kod BOBAR BANKA a.d. Bijeljina; KM 1327310010269422 kod NLB TUZLANSKA BANKA d.d. Tuzla; KM 1990490075973745 kod SPARKASSE BANK D.D. Sarajevo; KM 5550050018762580 kod NOVA BANKA a.d. Banja Luka; KM 1020500000088171, DEVIZNI-IBAN:BA39+1020500000088171 SWIFT:UBKSDA 22 kod UNION BANKA d.d. Sarajevo; ID broj: 4200450270001; PDV broj: 200450270001; Porezni broj: 01071112

Broj: 1-15402-1/2019
Datum: 07.08.2019. godine
Mjesto: Sarajevo

Na osnovu člana 69. stav 2. pod d) i člana 70. stav 4. Zakona o javnim nabavkama ("Službeni glasnik BiH", broj: 39/14), člana 60.2 Statuta JP ŽFBiH d.o.o. Sarajevo ("Službene novine FBiH" broj: 27/06, 5/08, 49/08, 57/09, 59/11, 92/12, 58/15 i 24/17), člana 19. Pravilnika o javnoj nabavci roba, usluga i radova u posebnim okolnostima broj: NO-24771-1-6./2017 od 23.11.2017. godine i broj: NO-25507-1-4./2017 od 07.12.2017. godine i Zapisnika o pregledu i ocjeni ponuda sa preporukom Komisije broj: GD-46-1/19 od 07.08.2019. godine, Predsjednik Uprave – Generalni direktor d o n o s i:

O D L U K U
o poništenju postupka javne nabavke

I

Poništava se postupak konkurentskog zahtjeva za dostavu ponuda javne nabavke radova – sanacija limenih krovova u Dobošnici, PI Tuzla, za potrebe JP Željeznice Federacije BiH d.o.o. Sarajevo, tender broj: GD-46/19.

II

Za realizaciju ove Odluke zadužuju se Ekonomski poslovi Društva - Sektor za nabavke i prodaju.

III

Ova Odluka stupa na snagu danom donošenja.

O b r a z l o ž e n j e

Predsjednik Uprave – Generalni direktor Javnog preduzeća Željeznice Federacije Bosne i Hercegovine društvo sa ograničenom odgovornošću Sarajevo je Posebnom Odlukom broj: 1-12643-1/2019 od 02.07.2019. godine odobrio pokretanje postupka konkurentskog zahtjeva za dostavu ponuda za javnu nabavku radova – sanacija limenih krovova u Dobošnici, PI Tuzla, za potrebe JP Željeznice Federacije BiH d.o.o. Sarajevo, tender broj: GD-46/19.

Obavještenje o nabavci je objavljeno na portalu javnih nabavki dana 16.07.2019. godine pod brojem: 1050-7-3-82-3-36/18.

Na osnovu člana 63. Zakona o javnim nabavkama ("Službeni glasnik BiH", broj: 39/14), Komisija je dana 01.08.2018. godine u 14:00 sati, izvršila javno otvaranje ponuda. Do roka određenog za prijem ponuda, pristigle su 2 (dvije) ponude, i to:

UIC 50

Bosna i Hercegovina

JP ŽFBH d.o.o. Sarajevo Centrala: +387 33 657-313; Kabinet Predsjednika Uprave-Generalnog direktora: tel. +387 33 251-120, fax +387 33 652-396; Poslovi razvoja i investicija: tel. +387 33 617-754, fax +387 33 617-922; Željeznički operator: tel. +387 33 251-126, fax +387 33 610-038; Željeznička infrastruktura: tel. +387 33 251-120, fax +387 33 656-062; Ekonomski poslovi: tel. +387 33 251-123, fax +387 33 217-085; Pravni i kadrovski poslovi: tel. +387 33 251-123.

1. Ponuda ponuđača "KULA MONT" d.o.o. Zenica, koji je ponudio cijenu od 79.985,00 KM bez PDV-a, odnosno 93.582,45 KM sa PDV-om.
2. Ponuda ponuđača "MEGAGRADNJA" d.o.o. Zenica, koji je ponudio cijenu od 79.999,00 KM bez PDV-a, odnosno 93.598,83 KM sa PDV-om.

Komisija je pristupila pregledu i ocjeni ponuda, te konstatovala sljedeće:

Ponuda ponuđača **"KULA MONT" d.o.o. Zenica** nije prihvatljiva, te se ponuda odbacuje iz sljedećih razloga:

- U ponudi nije dostavljeno pismo ponude, a što je traženo tačkom 2.1. Konkurentskog zahtjeva za dostavu ponuda u kojoj stoji sljedeće: *"Ponuđač mora dostaviti pismo ponude na memorandumu, sa naznačenim nazivom i tačnom adresom ponuđača, identifikacionim brojem, predmetom ponude, rokom isporuke roba, uslovima i načinom plaćanja, jediničnom cijenom i ukupnom cijenom koja je iskazana u skladu sa odredbama ovog zahtjeva, ovjerenim i potpisanim od strane zakonskog zastupnika za dostavljanje ponuda i potpisivanje ugovora. Ukoliko ponudu potpisuje lice koje nije ovlašteno za zastupanje ponuđača, uz ponudu je potrebno dostaviti Punomoć za to lice potpisanu i ovjerenu od strane lica ovlaštenog za zastupanje."*
- U ponudi na strani od 51. do 69. dostavljene su Potvrde o uredno izvršenim ugovorima (traženo tačkom 2.2.8. a)), koje nisu ovjerene od strane nadležnog organa, što nije u skladu sa tačkom 2.2.8. Konkurentskog zahtjeva za dostavu ponuda u kojoj stoji sljedeće: *"Ponuđač je dužan u ponudi dostaviti originale ili ovjerene kopije dokumenata kojim dokazuje tehničku i profesionalnu sposobnost. Ukoliko dokazi o ispunjavanju tehničke i profesionalne sposobnosti ne budu dostavljeni u formi, i na način predviđen ovom tačkom, takva ponuda će biti odbačena kao neprihvatljiva."*

Ponuda ponuđača **"MEGAGRADNJA" d.o.o. Zenica**, nije prihvatljiva, te se ista odbacuje iz razloga:

- U ponudi na strani 42/61 dostavljena je Izjava ponuđača o sigurnosno tehničkim mjerama od 31.07.2019. godine koja nije ovjerena od strane nadležnog organa, što nije u skladu sa tačkom 2.2.8. c) Konkurentskog zahtjeva za dostavu ponuda u kojoj stoji da je ponuđač dužan dostaviti: *"Izjavu ponuđača ovjerenu od strane nadležnog organa da će se pridržavati svih sigurnosno tehničkih mjera, i zaštite na radu i Zakona o zaštiti okoliša («Službene novine Federacije Bosne i Hercegovine» broj 33/03) prilikom izvođenja radova."*

Obzirom da od pristiglih ponuda nijedna ponuda nije prihvatljiva, Komisija je konstatovala da se nisu stekli uslovi za provođenje e-aukcije na Portalu javnih nabavki, na osnovu Pravilnika o uslovima i načinu korištenja e-aukcije („Službeni glasnik BiH“, broj: 66/16).

Cijeneći navedeno, Komisija je utvrdila da nisu ispunjeni zakonski uslovi za nastavak postupka nabavke i zaključenje ugovora o javnoj nabavci radova – sanacija limenih krovova u Dobošnici, PI Tuzla, za potrebe JP Željeznice Federacije BiH d.o.o. Sarajevo, te da postoje razlozi za odbacivanje ponuda u predmetnom postupku, a u skladu sa članom 68. stav 4) pod i) Zakona o javnim nabavka, jer ponude nisu potpune i ne ispunjavaju zahtjeve iz tenderske dokumentacije.

U skladu sa članom 18. stav 3) Pravilnika o javnoj nabavci roba, usluga i radova u posebnim okolnostima broj: NO-24771-1-6./2017 od 23.11.2017. godine i Pravilnika o izmjenama i dopunama Pravilnika o javnoj nabavci roba, usluga i radova u posebnim okolnostima broj: NO-25507-1-4./2017 od 07.12.2017. godine, Komisija je dala p r e p o r u k u Predsjedniku Uprave - Generalnom direktoru za donošenje Odluke o poništenju postupka javne nabavke radova – sanacija limenih krovova u Dobošnici, PI Tuzla, za potrebe JP Željeznice Federacije BiH d.o.o. Sarajevo, tender broj: GD-46/19, a na osnovu člana 69. stav 2) pod d) Zakona o javnim nabavkama, jer nijedna od primljenih ponuda nije prihvatljiva.

Predsjednik Uprave – Generalni direktor je prihvatio preporuku Komisije, te je u skladu sa navedenim odlučeno kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba JP ŽFBiH d.o.o. Sarajevo, u roku od 5 (pet) dana od dana prijema iste, a u skladu sa članom 101. Zakona o javnim nabavkama.

Dostaviti:

- Željeznička infrastruktura,
- Sektor za nabavke i prodaju,
- Sektor plana, analize i raspoređivanja prihoda,
- Ponuđač/x2,
- a/a.

 Predsjednik Uprave – Generalni direktor
Enis Džafić, mr.ecc!